

欽定八旗通志卷四十二

職官志

國家亮功熙績自古爲昭我

朝創立八旗因章辨色定職列官實有合於軒轅氏
以青雲縉雲建官命師聯爲營衛之制和萬國而
開淳化所爲合撰同符也

太祖高皇帝設固山額真

今稱都統

梅勒額真

今稱副都統

甲喇額

眞

今稱叅領

牛录額眞

今稱佐領

以相統轄

太宗文皇帝闢文館爲內三院設承政叅政啟心郎諸官
整飭庶務

世祖章皇帝統一區寓京秩則悉增滿缺直省則滿漢叅
用一視同仁辨章昭晰樹閎遠之規模六合向化
垂緒於億萬斯年我

皇上澄叙官方釐定規制優賚予以廣慈重職司以覈
實申明舊制增立新模於設官分職之良法美意
益昭明備矣八旗舊志所載職官分八旗官職八

旗部院官爲兩門區條別目複沓叅差頗失聯事
彙疇互相經緯之意又其志八旗官職則以王府
官列於

陵寢官之前其志八旗部院官則以宗人府列於內閣之
後編排次第未能整齊至其沿革增併之疎舛更
不可枚舉

臣等奉

命增修謹據

大清會典

欽定職官表以次甄錄庶幾於經邦治府統官諸民之
典秩然有叙首載宗人府宗支

錫爵肇瓜瓞之綿長文爵則申明職掌武職則釐分品
秩廉法同昭裁成盡善與夫增置官師因時定制
設延閣之校司列香山之健銳經緯並宣敷揚

盛治

德威遠被闢地安屯新疆各官星羅碁布實惟

大聖人以守兼創光

前烈而華丕基鴻規式廓卽職官之增數亦非舊志之體
例所可拘也惟舊志於部院各官止載滿缺不及
漢人員額茲仍其例焉

職官志一

職官
宗人府 內閣 軍機處 翰林院 詹事府 吏部 戶部

宗人府

宗令一人

左右宗正各一人

左右宗人各一人

初制宗令以親王郡王統理宗正以貝勒貝子兼攝宗人以鎮國輔國公及將軍兼攝後擇賢任使不復以封爵爲限乾隆元年以來間以親王總理事務無常員

左右司理事官宗室各二人

初制三品康熙二十二年定爲正五品

副理事官宗室各二人

初制從四品康熙二十二年定爲從五品

初設郎中六員員外郎四員主事四員康熙二十二年始分隸左右兩司三十八年兩司各裁郎中一員雍正二年改郎中爲理事官改員外郎爲副理事官初制皆以覺羅爲之後以覺羅滿洲參用乾隆正二年定以宗室滿洲參用乾隆二十九年定制悉以宗室爲之

主事宗室各二人

正六品

經歷宗室二人

正六品

順治九年制參用宗室滿洲乾隆二十九年定制以宗室爲之

堂主事宗室二人

初制四品康熙九年定爲正六品

初制以宗室滿洲參用乾隆二十九年定制以宗室爲之

委署主事四人

乾隆五十三年四月奏明由筆帖式內陞署仍食七品俸

筆帖式宗室二十四人

並支七品俸

初制以宗室滿洲參用乾隆二十九年定制以宗室爲之

內閣

大學士滿洲二人

初定一品順治十五年改爲正二品雍正八年陞爲正一品

國初置文館天聰十年改爲內三院曰內國史院曰內秘書院曰內宏文院各設大學士一人分其事爲職掌順治元年增設學士二年定爲正二品衙門以翰林院官分隸內三院稱內翰林國史院內翰林秘書院內翰林宏文院增設侍讀學士侍讀等官九年設典籍十五年改內三院爲內閣其大學士俱改內閣銜仍分設翰林院十六年裁學士侍讀等官十八年復改內閣爲內國史院內秘書院內宏文院裁翰林院康熙九年仍改爲內閣另設翰林院如舊制十年仍補學士以下等官滿漢大學士順治元年設六員不備官康熙年間率用四員雍正年間多用至六員乾隆十三年定補滿

漢各
二員

協辦大學士滿洲一人
從一品

以六部尙書
簡充自雍正年以來初置

學士兼禮部侍郎銜滿洲六人
初定二品順治十五年改爲正五品

尋以兼禮部侍郎銜改爲正
三品雍正八年陞爲從二品

初制滿洲學士三員漢軍三員自順治元年以後
增減不一康熙九年定滿洲二員十年增四員又
定漢軍二員十二年以漢軍
併於漢缺兼禮部侍郎銜

侍讀學士滿洲四人蒙古二人
初制三品後改爲
從五品雍正三年

定爲從

四品

順治二年置初兼太常寺銜後停兼銜八年設滿洲侍讀學士三員漢軍侍讀學士三員十八年增滿洲侍讀學士三員蒙古侍讀學士三員康熙九年定制滿洲侍讀學士滿文二員漢文二員共四員蒙古侍讀學士二員漢軍侍讀學士二員乾隆十四年改定滿洲四人蒙古二人漢軍侍讀學士缺以漢軍漢人通行銓補

侍讀滿洲十人蒙古二人漢軍二人

初制四品後改爲正六品

順治二年置初兼太常寺少卿光祿寺少卿銜尋停兼銜滿洲侍讀初設滿文五員滿漢文六員共十一員康熙三十八年省滿文一員滿漢文二員共八員旋復增二員爲十員

典籍滿洲二人漢軍二人

正七品

內閣爲典掌絲綸之地自大學士以下皆不置印
惟典籍給印順治九年置初各設三員康熙九年

定各設

二員

中書滿洲七十人蒙古十六人漢軍八人貼寫中

書滿洲四十人蒙古六人

從七品

順治十六年置滿洲中書初設滿文撰文二十員
辦事二十員滿漢文撰文十七員辦事十八員共
七十五員康熙三十八年省滿文撰文辦事各一
員滿漢文撰文一員辦事二員共七十員蒙古中
書初設撰文九員辦事十員共十九員康熙三十
八年省撰文一員辦事二員共十六員漢軍中書

初設撰文五員辦事八員共十三員康熙三十八年省撰文一員辦事四員共八員

中書科中書舍人滿洲二人

從七品

初設一員乾隆十四年增一員共二員

筆帖式滿洲十人

軍機處

軍機大臣無定員由大學士及尙書侍郎奉

特旨召入自雍正十年三月大學士等遵

旨議奏辦理軍機處密行事件所需鈐封印信謹擬用辦

理軍機印信字樣移咨禮部鑄造貯辦理軍機處
派員管理並行知各省及西北兩路軍營至乾隆
初年停止改設總理乾隆二年十一月奉

諭莊親王等奏辭總理事務朕勉從所請但目前兩路
軍務尙未全竣且朕日理萬幾亦間有特旨交出之
事

皇考當日原設有辦理軍機大臣今仍着大學士鄂爾泰
張廷玉公訥親尙書海望侍郎納延泰班第辦理嗣

後永以爲制至軍機章京以內閣滿漢侍讀中書及各部郎中員外郎主事簡其賢能者奏充無定額
謹案軍機爲機務要地不設專署即附載內閣之後

翰林院

掌院學士滿洲一人

順治十五年置康熙二十八年五月以大學士徐元文兼管翰林院掌院學士事始用重臣兼領自乾隆元年以來多以重臣
特簡兼攝以重其任

侍讀學士滿洲二人

初制從五品雍正三年定爲從四品侍講學士同

侍講學士滿洲二人

康熙九年置侍讀侍講學士各三人乾隆五十年二月裁侍讀侍講學士各一人

侍讀滿洲二人

初制正六品雍正三年定爲從五品侍講同

侍講滿洲二人

康熙九年置侍讀侍講各三人乾隆五十年二月裁侍讀侍講各一人

謹案順治九年壬辰科十二年乙未科俱分滿漢進士爲二榜壬辰科滿洲一甲進士麻勒吉折庫納巴海乙未科一甲進士圖爾宸查漢索泰俱分授修撰編修以後滿漢進士合爲一榜編修檢討係庶吉士散館授職

庶常館教習大臣滿洲一人

小教習無額缺

國初教習多以內院學士爲之侍讀等亦間有預者自康熙九年後皆以掌院學士領其事而內閣學士時參用焉六十年辛丑科始以工部尚書陳元龍領教習事嗣後大學士尚書侍郎均得爲之皆由

特簡無常制小教習始置於康熙三十三年雍正八年停乾隆十年復置皆由教習大臣會同掌院學士掄選

奏充無額缺

謹案順治九年壬辰科始選滿洲進士六人漢軍進士四人改庶吉士乙未科選滿洲進士六人與壬辰科同後滿漢合爲一榜新進士引見選庶吉士滿漢無定員

典簿廳典簿滿洲一人

從八品

典簿廳孔目滿洲一人

從九品

待詔廳待詔滿洲一人

從九品

俱順治十

五年置

筆帖式滿洲四十人漢軍四人

初制滿洲四十八人漢軍八人康熙

三十四年省滿洲八人漢軍四人

謹案翰林院不設司屬凡有陳奏及往來文牒舊例以典簿筆帖式具稿呈堂雍正元年以官輕滋獎令掌院學士於俸淺編修檢討內擇才守優長者充作司官各曰辦院事後復增置協辦院事由